

## বাংলাদেশে স্বাস্থ্য, অর্থনৈতিক প্রবৃদ্ধি এবং পরিবেশ কর্মসূচি অব্যাহত রাখতে ১,৩৭৩ কোটি টাকা সহযোগিতা দেবে যুক্তরাষ্ট্র

ঢাকা, ৪ঠা অক্টোবর -- স্বাস্থ্য, অর্থনৈতিক প্রবৃদ্ধি এবং পরিবেশ খাতে যৌথ উন্নয়ন কর্মকাণ্ড অব্যাহত রাখতে যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) এবং বাংলাদেশ সরকার কয়েকটি আনুষ্ঠানিক চুক্তি স্বাক্ষর করেছে। এসব নতুন চুক্তির আওতায় উক্ত খাতগুলোতে ইউএসএআইডি মোট ১,৩৭৩ কোটি টাকা সহযোগিতা দেবে।

স্বাস্থ্য ও জনসংখ্যা চুক্তির অধীনে মাতৃ ও শিশু স্বাস্থ্য, পরিবার পরিকল্পনা, যক্ষা নির্মূল এবং এইচআইভি/এইডস প্রতিরোধে গৃহীত কর্মসূচিগুলোতে ইউএসএআইডি পাঁচ বছরের জন্য প্রায় ১,১৯৪ কোটি টাকা (১৭৩ মিলিয়ন মার্কিন ডলার) আর্থিক সহযোগিতা দেবে। আর এর মাধ্যমে ইউএসএআইডি এবং অর্থ এবং স্বাস্থ্য ও পরিবার কল্যাণ মন্ত্রণালয়ের মধ্যে দীর্ঘমেয়াদী ও অর্থবহ সম্পর্ক আরো সুদৃঢ় হবে।

সামগ্রিক ব্যবসা-বাণিজ্যের পরিবেশ তৈরিসহ বেসরকারি খাত উৎপাদনশীলতা জোরদারকরণ কর্মসূচিগুলোতেও ইউএসএআইডি নয় বছরের জন্য প্রায় ১৩১ কোটি টাকা (১৯ মিলিয়ন ইউএস ডলার) পর্যন্ত সহযোগিতা দেবে। বাণিজ্য মন্ত্রণালয়ের নেতৃত্বে কয়েকটি মন্ত্রণালয় এতে সম্পৃক্ত থাকবে।

এছাড়া, পরিবেশ খাতে পাঁচ বছরের জন্য অতিরিক্ত প্রায় ৪৮ কোটি টাকা (৭ মিলিয়ন মার্কিন ডলার) আর্থিক সহযোগিতা দেবে ইউএসএআইডি। পরিবেশ ও বন মন্ত্রণালয়ের সহযোগিতায় গৃহীত প্রাকৃতিক সম্পদ সংরক্ষণ এবং জীব-বৈচিত্র্য সংরক্ষণ কর্মসূচিগুলোতে এই অর্থ ব্যয় করা হবে। পরবর্তীতে এসব কর্মসূচি সম্প্রসারণ করে দেশের জলাভূমি এবং অন্যান্য গুরুত্বপূর্ণ বিচরণক্ষেত্রগুলোকে (habitat) অন্তর্ভুক্ত করা হবে।

ইউএসএআইডি হচ্ছে যুক্তরাষ্ট্র সরকারের মূল সংস্থা যেটি পৃথিবীর ১০০টিরও বেশি দেশে উন্নয়ন সহায়তা দিয়ে থাকে। ১৯৭১ থেকে ২০০৬ সাল পর্যন্ত ইউএসএআইডি বাংলাদেশকে ৫ বিলিয়ন মার্কিন ডলারের অধিক উন্নয়ন সহায়তা দিয়েছে, যার অর্ধেকেরও বেশি খাদ্য সাহায্য হিসেবে দেয়া হয়েছে।

=====

জিআর/ ২০০৭

**দ্রষ্টব্য:** এই নিবন্ধের ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov)) এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।